

# Rendaquint semestril da la BCG 2018: meglier che spetgà

Cuira, ils 26 da fanadur 2018 – La Banca Chantunala Grischuna (BCG) ha cuntanschì in fitg bun resultat semestril sin il nivel da l'onn da record 2017. Il gudogn dal concern s'augmenta per CHF 0.7 miu. sin CHF 99.4 milliuns francs. Las perspectivas per l'entir onn èn meglras che spetgà.

Las cifras distinctivas:

- gudogn dal concern: CHF 99.4 miu. / +0.8%
- resultat da fatschenta: CHF 105.0 miu. / -0.4%
- afflussiun da novs daners: CHF +683.9 miu. / +2.3%
- creschientscha da las ipotecas: CHF +290.6 miu. / +1.8%
- relaziun da custs e d'entradas I: 44.0%; relaziun da custs e d'entradas II: 46.5%
- rentabilitad da l'agen chapital (ROE): 8.5%
- dotaziun d'agen chapital (CET-1): 18.5%

Il president da banca Peter Fanconi ed il CEO Alois Vinzens sa legran dal resultat semestril positiv: «Nus pudain guardar enavos sin in fitg bun mez onn. La creschientscha, la productivad, la rentabilitad ed il resultat da ristga èn sa svilup pads bler meglier che spetgà.»

### Realisà in gudogn dal concern da CHF 99.4 miu.

Il resultat da fatschenta, il resultat operativ dal concern da la BCG, correspunda en l'emprim semester 2018 al nivel da l'onn da record 2017 (resultat da fatschenta: CHF 105.0 miu. / -0.4%). Il gudogn dal concern è s'augmentà sin CHF 99.4 miu. (+0.8%). La rentabilitad surpassa cun ina rendita da l'agen chapital da 8.5% la finamira minimala strategica.

### Pudi mantegnair il nivel da la rendita da fatschenta cun +0.1%

Il resultat net da la fatschenta da tschains sa mova cun CHF 131.0 miu. sin il nivel da l'onn precedent, quai grazia ad in augment dal retgav dals tschains bruts da CHF 6.0 miu. (+5.0%). Il retgav da cumissiun da la fatschenta da vaglias e d'investiziuns (CHF +3.0 miu. / +7.5%) è creschì surtut pervi dal svilup positiv da la fatschenta d'administraziun da la facultad sco era da la fatschenta da fonds. L'ulteriur resultat ordinari (CHF 7.8 miu. / -20.2%) è sa reduci sin fundament dal flavel svilup da la bursa.

### Productivad excellenta: ina relaziun da custs e d'entradas I da 44.0%

Ils custs da fatschenta (CHF 85.3 miu.) inclus l'indemnisaziun da la garanzia chantunala èn creschids levamain visavi l'onn precedent (+1.3% / CHF +1.1 miu.). Ils custs supplementars èn d'attribuir a las investiziuns en l'avengir digital da la banca. Cun ina relaziun da custs e d'entradas II da 46.5% (-0.6 puncts pertschientuals) ed ina relaziun da custs e d'entradas I da 44.0 pertschient (-0.9 puncts pertschientuals) è la BCG vinavant ina da las bancas svizras las pli productivas.

### La fatschenta da clients è creschida fermamain

Il volumen da fatschenta dal concern da la BCG munta a CHF 49.4 mia. Grazia a la creschientscha dad 1.8% sin ils emprests cuverts cun ipotecas èn ils emprests totals dals clients s'augmentads per CHF 270.8 miu. (+1.4%). La facultad da la clientella è creschida per +1.3% sin CHF 30.1 mia. Cun l'afflussiun positiva da novs daners (CHF +683.9 miu. resp. +2.3%) èsi stà pussaivel da realisar ina creschientscha, malgrà il svilup negativ dals curs da las azcias.

### Ina dotaziun d'agen chapital surproporziunala

La BCG preschenta cun il rendaquint semestril 2018 in agen chapital (incl. minoritads) da CHF 2'550.9 miu. Cun ina dotaziun d'agen chapital (CET-1) da 18.5% tutga ella vinavant tar las bancas cun la meglra chapitalisaziun. Quai conferma era la Leverage Ratio fitg auta da 8.9%.

### Perspectiva 2018: meglier che spetgà

Sin fundament da las cifras semestrilas po la BCG curreger ensi sias perspectivas per l'onn 2018. La banca quinta da nov cun in resultat da fatschenta da CHF 185 fin CHF 190 miu. e cun in gudogn dal concern da CHF 178 fin CHF 183 miu. Il gudogn per scrit da participaziun stima ella a CHF 75. La finamira da creschientscha per la facultad dals clients munta da nov a CHF 700 miu.

### Contact per ils collavuratur da medias e per investurs:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Quint annual 2018:	8 da favrer 2019
Radunanza dals participants:	4 da matg 2019

---